

新刊
古本
大字

官板王氏脉經

宋校定脉經進呈劄子一首

臣等承詔典校古醫經方書所校讐中脉經一部乃王叔和之所撰集也叔和西晉高平人性度沈靖尤好著述博通經方精意診處洞識修養之道其行事具唐甘伯宗名醫傳中臣等觀其書叙陰陽表裏辨三部九候分人迎氣口神門條十二經二十四氣奇經八脉以舉五藏六腑三焦四時之病皆周

而

小以知內

為至詳悉咸可按用其文約其事詳者獨何
哉蓋其為書一本黃帝內經間有踈畧未盡
處而又輔以扁鵲仲景元化之法自餘奇怪
異端不經之說一切不取不如何以歷數
千百年而傳用無毫髮之失乎又其大較以
為脉理精微其體難辨兼有數候俱見異病
同脉之惑專之指下不可以盡隱伏而乃廣
述形証虛實詳明聲色王相以此參伍决死
生之分故得十全無一失之繆為果不疑然

而自晉室東渡南北限隔天下多事於養生
之書實未遑暇雖好事之家僅有傳者而承
疑習非將喪道真非夫聖人曷為釐正恭惟
主上體大舜好生之德玩神禹叙極之文堦
錫福之良心鑒慎疾之深意出是古書俾從
新定臣等各殫所學博求衆本據經為斷去
取非私大抵世之傳授不一其別有三有以
隋巢元方時行病源為第十卷者考其時而
繆自破有以第五分上下卷而撮諸篇之文

別增篇目者推其本文而義無取稽是二者
均之未覩厥真各秘其所藏爾今則考以素
問九墟靈樞大素難經甲乙仲景之書并千
金方及翼說脉之篇以校之除去重複補其
脫漏其篇第亦頗為改易使以類相從仍舊
為一十卷總九十七篇施之於人俾披卷者
足以占外以知內視死而別生無待飲上池
之水矣國子博士高保衡尚書屯田郎中孫
奇光祿卿直秘閣林億等謹上

熙寧元年七月十六日進呈奉

聖旨鏤板施行

假承務郎權醫學錄臣趙叔度校正

朝奉郎守國子博士同校正醫書上騎

都尉賜緋魚袋臣高保衡

朝奉郎守尚書屯田郎中同校正醫書

騎都尉賜緋魚袋臣孫奇

朝散大夫守光祿卿直秘閣判登聞檢

院上護軍臣林億

朝散大夫右諫議大夫參知政事護軍長
郡開國侯食邑一千一百戶賜紫金魚

袋臣王安石

推忠佐理功臣正奉大夫行右諫議大夫
參知政事上柱國南陽郡開國侯食邑
一千戶賜紫金魚袋臣趙抃

推忠協謀同德守正亮節佐理翊戴功臣
開府儀同三司行尚書左僕射兼門下
侍郎同中書門下平章事集賢殿大學

士上柱國魯國公食邑一萬一千一百
戶食實封三千八百戶臣曾公亮

推忠協謀同德守正亮節佐理功臣開府
儀同三司行尚書左僕射兼門下侍郎
同中書門下平章事昭文館大學士監
修國史兼譯經潤文使上柱國鄭國公
食邑一萬一千戶食實封四千二百戶

臣富弼

宋刺脉經牒文一首

國子監准監開准尚書禮部符准紹聖元年
六月二十五日 勅中書省尚書省送到禮
部狀據國子監狀據翰林醫學本監三學看
任仲言狀伏覩本監先准朝旨刊雕小字
聖惠方等共五部出賣并每節鎮各十部餘
州各五部本處出賣今有千金翼方金匱要
畧方王氏脉經補註本草圖經本草筭之皆
醫家要用而不可闕本監雖見出賣皆是大
字官本貧民難於辦錢請買兼外州軍尤不

可得欲乞刊作小字重行校對出賣及降外
州軍施行本部看詳欲依國子監申請事理
施行狀候指揮六月二十三日奉聖旨依奉
勅如右牒到奉行都省前批六月二十六日
未時付禮部施行仍關合屬去處主者一依
勅命指揮施行

紹聖三年六月

日雕

集慶軍節度推官監國子監書庫向中恕
承務郎監國子監書庫曾縹

延平府臨真縣令監國子監書庫鄧平
潁州萬壽縣令監國子監書庫郭直卿
宣義郎國子監主簿王仲凝
通直郎國子監丞武騎尉檀宗益
朝散郎守國子監司業上輕車都尉賜緋
魚袋趙挺之

朝奉郎守國子監司業兼侍講雲騎尉
龔用

宋廣西漕司重刻脉經序

一首

碩少時母多病課醫率不効因自誓學為方
求古今醫書而窮其原得所謂王叔和脉訣
者怪其詞俚而指淺更訪老醫得脉經十卷
盖祖黃帝岐伯扁鵲經以及於張氏傷寒論
條貫甚明真王氏書也驗之乃建本自是求
之建陽書坊絕無鬻者板亦不存嘉定己巳
歲京城疫朝旨命孔碩董諸醫治方藥以拯
民病因從醫學求得脉經復借各本校之與
予前後所見者同一建本也乃知脉訣出而

脉經隱醫者不讀醫者不售板遂亦不存今
之俗醫問以王氏書則皆誦脉訣以對蜀人
史堪以儒生名能醫其所著方書脾胃條引
脉訣中語而議之曰此叔和知之而未盡也
予每嘆曰冤哉叔和如史載之之工尚引訣
而罪經餘又何怪焉因思今世俗醫知有朱
氏傷寒百問而不知有傷寒論俗儒知誦時
文而不知誦經史其過一律也因取所錄建
本脉經畧改誤文寫以大字刊之廣西漕司

庶幾學者知有本原云然恨無他本可校以俟後之仁者候官陳孔碩序

元刺脉經移文

一首

皇帝聖旨裏江西湖東道肅政廉訪司來申
備龍興路醫學申教授謝縉翁關切惟儒
學以仁義立教扶植綱常使天下不犯刑
憲醫學以仁心立教拯救疾病使生民不
致夭瘥故醫之素問難經與儒之六經相
為表裏皆古聖人以利天下後世為心者

也醫經之中王叔和脉經十卷誠為醫門
不易之法如蒙將脉經刻布流傳誠可裨
國朝好生之一端也緣醫別無錢糧如將上
項脉經於儒學內支用有餘錢糧刻布傳
遠幸甚保結關請照驗准此申乞照詳得
叅詳醫學申請刊雕脉經若於合屬學院
有餘錢糧去處約量撥支工價顧匠刊雕
成書從本司收貯印行似為便益未敢懸
便申乞照詳施行得此准申憲司合下仰

照驗不妨本職從省計料合用工匠物價
鈔估體見數就行龍興路學羨餘子粒錢
內支撥刊雕申司施行湏至指揮

右下江西等處儒學提舉柳文林准此

泰定四年六月初四日

中奉大夫江西湖東道肅政廉訪使朶列禿

元刺脉經序

二首

晉太醫令王叔和撰類脉經十卷其言原本
黃帝內經靈樞素問而翼之以扁鵲倉公華

陀張仲景皇甫士安之論稱其為醫家之一
經矣今脉訣熟在人口直謂叔和作而不知
叔和所輯者脉經耳當叔和時盖未有歌括
之比疑宋之中世始次為韻語取便講習據
其條肄而忘其根節者也熙寧中有旨出內
府所藏古醫經方書命光祿卿林億等典領
校讐鏤板行世而脉經與焉朱文公於慶元
初跋郭長陽醫書謂俗間所傳脉訣詞最鄙
淺非叔和本書世之高醫明其為贗遂委棄